

ՀԱՅԿ ՀԱԿՈԲՅԱՆ

պատմ. գիտ. թեկնածու

**ՊԱՏԱՐԱԳՆԵՐԻ ՊԱՏՎԻՐՄԱՆ
ԱՌԱՆՁՆԱՀԱՏԿՈՒԹՅՈՒՆՆԵՐԸ**

Պատարագների պատվիրման առանձնահատկությունների ուսումնասիրության հարցում ամենախոսուն է հավաստի աղբյուրները, վիմագրերից զատ, նաեւ ձեռագրերն են, ինչպես նաեւ բանասիրության և ազգագրական նյութերը¹:

Մարդկային մտածողությունն ու պատկերացումները, անտարակույս, իրենց կնիքն են թողնում լեզվի վրա, որը տվյալ ժողովրդի մշակույթի յուրօրինակ արտացոլումն է: Ժողովրդական լեզվամտածողությունը նրա պատմության, կենսահայեցողության, սովորույթների ու ավանդույթների ուրույն հայելին է: Բացի այդ՝ ժողովրդի բանավոր ավանդությունները նույնպես օգնում են պատկերացում կազմելու տարբեր պատմաշրջանների ու աշխարհայացքների մասին:

Հայերենում «ժամ» կամ «պատարագ անել» արտահայտությունն այսպես է բացատրվում. «Ժամասացություն կատարել, պատարագ մատուցել. ննջեցյալի հիշատակին հոգու հաց տալ. ուտելու համար մաս-մաս բաժանել»², իսկ «հոգու պատարագ» արտահայտությունը ձեռք է բերել «հոգու հաց» նշանակությունը³:

Ըստ «Ազգագրական հանդես»-ի հատորներում տեղ գտած տվյալների՝ ԺԹ. դարի վերջերին եւ նախորդ դարի սկզբներին հանգուցյալների հիշատակի համար պատարագ հիմնականում մատուցում էին Հայաստանի գրեթե բոլոր շրջաններում, սակայն, կան նաեւ բացառություններ: Այսպես՝ Համշենում ննջեցյալի համար պատարագ չէին անում⁴: Ամեն մի տարածաշրջան հանգուցյալի համար տրվելիք պատարագի հարցում ուներ իր առանձնահատկությու-

1 Պատարագների փոխհատուցման խնդրի քննության անդրադարձ ենք կատարել առանձին հոդվածով՝ տե՛ս Հ. Հակոբյան, Պատարագների փոխհատուցման խնդիրը, «Ակունք», թ. 1, Երեւան, 2014, էջ 60-64:

2 Ա. Մուրխասյան, Ս. Գալստյան, Հայոց լեզվի դարձվածաբանական բառարան, Երեւան, 1975, էջ 242:

3 Տե՛ս անդ, էջ 366:

4 Զ. Մուրադեանց, Համշենահայեր, «Ազգագրական հանդես», Ե. գիրք, Թիֆլիս, 1899, էջ 401-402:

նը: Գողթան գավառում, օրինակ, եթե ննջեցյալը մանկահասակ էր, անմիջապես կատարում էին թաղման կարգը եւ տանում գերեզմանատուն, իսկ եթե չափահաս էր, պատարագ էին մատուցում⁵: Գրեթե միանման սովորույթ կար նաեւ Բորչալուի գավառում, ուր չափահասների համար, սովորաբար, պատարագ էին մատուցում, իսկ անչափահասներին եւ մանավանդ աղքատներին՝ առանց պատարագ մատուցելու էին թաղում⁶: Ինչ վերաբերում է Հայաստանի մյուս տարածաշրջաններին, ապա պետք է նկատել, որ Նախիջեւանում, «Ունեւոր մարդիկ սովորութիւն ունին տարին մի անգամ պատարագ անել տալու իւրեանց մեռելներու հոգուն»⁷:

Հանգուցյալի համար պատարագ պատվիրելու վերաբերյալ հարուստ նյութ կա նաեւ հայ բանահյուսության մեջ, մասնավորապէս՝ «Մասնա ծներ» էպոսում: Պատարագ տալու մասին պահպանված վկայություններն այստեղ շատ արժեքավոր են եւ հավելյալ լույս են սփռում ուսումնասիրվող նյութի վրա:

Այժմ ներկայացնենք մեզ հետաքրքրող վկայությունները. «Դավիթ եւ Միեր» պատումում (գրառող՝ Գարեգին սարկավագ Հովսեփյան (հետագայում՝ Մեծի տանն Կիլիկիո Կաթողիկոս Գարեգին Ա.), ասացող՝ Մոկացի Հովհանն) Միերը հիշում է հորեղբորն ու հորը, թաղում է կնոջը եւ Սասնա տան համար պատարագ է անել տալիս. «Ելավ, քառսուն պատարագ ետու ինիլ»⁸: Այս հատվածում հստակ երեւում է, որ պատարագ կարելի է տալ ոչ միայն կոնկրետ հանգուցյալի համար, այլեւ տոհմի, իսկ, հաշվի առնելով այն հանգամանքը, որ էպոսում «Սասնա տուն» արտահայտությունը ունի նաեւ «Հայոց աշխարհ» իմաստը, կարելի է կարծել, որ պատարագ են տվել նաեւ ողջ երկրի բարօրության համար: Հայտնի է, որ պատարագից հետո եղել է ավանդական հյուրասիրություն, մասնավորապէս մասնակիցները հարիսա են պատրաստել ու պատարագից հետո կերել: Այդ մասին տեղեկություններ ենք գտնում նաեւ էպոսի պատումներում: «Նախրչին ըսեց. - Ախպեր, Ըսոր մեր գեղ պատարագ ե, Գնա մեր գեղ, հրիսա կի, Առ ընծի հրիսա, արի՛»⁹ (1932թ., գրառող՝ Կարապետ Մելիք-Օհանջանյան, բանասաց՝ Ալաշկերտցի Մանուկ Թորոյան):

5 Գողթան գաւառ, «Ազգագրական հանդէս», XII գիրք, Թիֆլիս, 1905, էջ 144-145:

6 Ե. Լալայեան, Բորչալուի գաւառ, «Ազգագրական հանդէս», X գիրք, Թիֆլիս, 1903, էջ 170-171:

7 Եր. Շահազիզ, Նոր-Նախիջեւան, «Ազգագրական հանդէս», VII եւ VIII գրքեր, Թիֆլիս, 1901, էջ 102:

8 «Մասնա ծներ», հտ. Ա., Առաջին մաս, խմբագրեց պրոֆ. դր Մանուկ Աբեղյան, աշխատակցությամբ՝ պրոֆ. Կարապետ Մելիք-Օհանջանյանի, Յերեւան, 1936, էջ 1240:

9 «Մասնա ծներ», հտ. Բ., Առաջին մաս, խմբագրեց ակադեմիկոս Մանուկ Աբեղյան, աշխատակցությամբ՝ պրոֆ. Կարապետ Մելիք-Օհանջանյանի, Յերեւան, 1944, էջ 66: Հոգեհանգստյան պատարագ տալու մասին տե՛ս նաեւ «Հայ ժողովրդական հեքիաթներ», հ. IX, թ. 16, «Անհավատարիմ կնոջ ամոթանքը», Երեւան, 1968, էջ 124-129, ինչպէս նաեւ՝ հ. IV, թ. 36, «Միմոն կուպեցին հեքիաթը», Երեւան, 1963, էջ 320, հ. XVI, թ. 40 «Մանուկ», Երեւան, 2009, էջ 258:

Ինչպես արդեն հայտնի է վիճաբերից ու ձեռագիր հիշատակարաններից, պատարագ ստանալու համար մարդիկ վճարել են: Այդ մասին տեղեկություններ ենք քաղում նաեւ «Ազգագրական հանդես» - ներից: Այդ տեղեկություններն արժեքավոր են նրանով, որ գուտ ժամանակային առումով դրանք մեզ առավել մոտ են եւ ավելի ընդգրկուն պատկերացում են տալիս պատարագ պատվիրելու հնավանդ սովորույթի աստիճանական զարգացման մասին: Վարանդայում հոգեհանգստյան ճաշից հետո քահանան օրհնում էր հին ու նոր ննջեցյալներին եւ ստանում 40 կոպեկից մինչեւ 1 ռուբլի գումար¹⁰: Իսկ Զանգեզուրի գավառում կար մի ամբողջ գնացուցակ՝ կապված թաղման ծախսերի հետ: Ստորեւ ներկայացնում ենք այդ ցուցակը.

«Թաղման ծախսեր. Պատանքի - 50 կ. - 1 ռ., Լուսագին եկեղեցուն - 50 կ. - 1 ռ., Քահանային՝ մինչեւ 21 տարեկան - 20 կ. - 1 ռ., աւելի հասակավորի - 1 ռ. - 4 ռ., Անբիծքին - 40 կ. - 1 ռ., Խաչհամբոյր գանձք ասելիս - 50 կ. - 1 ռ., Ժմահացի եւ եօթնից հացի - 30 ռ. - 45 ռ.: Ընդամենը՝ 33,10 - 54 ռ.»¹¹:

Նաեւ այլ գավառների թաղման ծախսերի գնացուցակ կա¹²:

ԺԹ. դարի վերջերին եւ Ի. դարի սկզբներին պատարագ պատվիրում էին ոչ միայն հանգուցյալների հիշատակի համար: Երբեմն այն մատուցվում էր նաեւ մարդկանց մեղքերի թողության ու Աստծո զայրույթը մեղմելու համար: Բնական է, որ մարդկանց շատ ժամանակ պատուհասում էին հիվանդությունները, եղանակային ու բնական աղետները: Ուստի մարդիկ դիմում էին Աստծո բարեգթությանը՝ փորձելով պատարագով «մեղմել» Տիրոջ զայրույթը: Աստծո զայրույթը մարդկանց մեջ ընկալվում էր որպես «Ցասման ժամ»: Այսպես՝ Գարեգին Սրվանձտյանցը «Ցասման ժամ» արտահայտության համար գրում է. «Յերբ տարաժամ ձյուն կամ կարկուտ տեղա, բերքերուն վնասե, յերբ մարախն ու թրթուրը բույսն ու կանաչը գոսացնեն, յերբ յերաշտություն լինի, յերբ ցավ ու մահ պատահեն մարդոց եւ անասնոց, յերբ երկրաշարժ լինի, եւ ինչ վոր պատահի յերկրին, այն՝ վոր մարդոց ըրածը չէ, աստուծո ցասումն կը համարին եւ այդ ցասման դեմն առնելու համար սնահավատ մարդիկ ամբողջ հասարակությամբ մատաղ եյին մորթում եւ ժամ անում: Յեփում եյին «ցասման ճաշ» հաճախ հարիսա, հանում, դնում կալը, կամ հենց բացոթյա յեփում, եւ «ժամ ու պատարագից» հետո ուտում եյին այդ հասարակական մատաղը: Այս սովորությունը գալիս է խոր հնությունից. նույնիսկ քրիստոնեությունից առաջ, դա կատարվել է շատ ազգերի կրոն ու հավատքի, կյանք ու կենցաղի մեջ»¹³: Աստծո զայրույթը կամ ցասման ժամը մեղմելու մասին վկայություն

10 Տեն Ե. Լալայեան, Վարանդա «Ազգագրական հանդես», գիրք Բ., Թիֆլիս, 1897, էջ 184:

11 Ե. Լալայեան, Զանգեզուր, «Ազգագրական հանդես», գիրք Դ., Թիֆլիս, 1898, էջ 105:

12 Տեն Ե. Լալայեան, Սիսիան, «Ազգագրական հանդես», գիրք Գ., Թիֆլիս, 1898, էջ 248: Բուլանդիս կամ Հարք գաւառ, «Ազգագրական հանդես», գիրք Ե., էջ 181:

13 «Մասնա ծոեր», Բ. հատոր, մասն յերկրորդ, խմբագրեց ակադեմիկոս Մ. Աբեղյան, աշխատակցությամբ՝ պրոֆ. Կարապետ Մելիք-Օհանջանյանի, Յերևան, 1951, էջ 875: Ցասման ժամի

կա նաեւ Էպոսի պատումներում. «Մեկ որ լե ելավ առավոտուն Դավիթ, քեց հորթեր, գնաց, տեսավ, որ տղա չկա, հորթեր չկա: Եդ տղայի գեղ լե ցավ, հիվանդություն շատ կըլնի: Եդ գեղացիք լե պատարագ կենին, աղաչանք կենին, որ Աստված փարատություն տա»¹⁴: Բնական է, որ իրենց մեղքերով էին հավատացյալները «արժանանում» Տիրոջ զայրության, ուստի մեղքերը քավելու համար պատարագի պատվիրումը անխուսափելի էր¹⁵:

Նմանօրինակ վկայություն է պարունակում նաեւ Մոկսից գրառված «Սըլտան Փարիշան» հեքիաթը: Մեզ հետաքրքրող հատվածը հետևյալն է. «Կըսը. - Մըկա ըստա մընակ կաթիլ էլներ, թղխ կաթեր, մըկա ըստա մընակ մուր էլներ, թղխ մուր էլներ, լա Միրզամահմատ խուրզուտ, արիվուտ մեռնիմ, կը տանիս, ժամ էլ արա ձի (ընդգծումը մերն է՝ Հ.Հ.), նա կաթիլք թղխ կըտորը: Նուր Միրզամահմատ ժամ արավ մոր խամար, անու կաթիլք փըշում կըտորավ»¹⁶: Այս հեքիաթում հանգուցյալ մայրը խնդրում է որդուն, որ իր համար պատարագ անի, որպեսզի իր գլխին թափվող կաթիլը կտրվի: Որդին՝ Միրզամահմատը, պատարագ է անում մոր համար, որից հետո կաթիլները սակավ ինչ մեղմանում են:

Ինչպես վերը նշեցինք, պատարագ պատվիրելու շարժառիթները տարբեր էին. պատարագներ էին մատուցում ինչպես հարսանիքի¹⁷, այնպես էլ թշնամիների դեմ հաղթանակն ապահովելու համար: Նման բովանդակությամբ հարուստ է հատկապես «Մասնա ծոեր» Էպոսը: Էպոսի տարբերակներից մեկում եպիսկոպոս քեռին, այսինքն՝ Ասածո ու մարդկանց միջեւ միջնորդը, գնում է Աղթամար ժամ-պատարագ է անում, օրհնում է 2 թուր, տալիս Սանասարին ու Բաղդասարին, ու նրանք այդ թրով հաղթում են թշնամիներին. «Գընաց Հախթամար, ժամ-պատարաք երաց, Երկու թուր ոխնեց, Ծածուկ հերողկեց Սանասար, Բաղդասարին, Տրին ուրենց չաղրի տակ, պախեցին»¹⁸: Նույնաբովանդակ է նաեւ Էպոսի պատումներից մեկում հանդիպող Երուսաղեմի թագավորի ու իր վեզիրի դրվագը. «Վերցուց թագավոր որ վեզիրին ըսեց. Մեր թա-

վերաբերյալ հիշատակություն կա նաեւ «Մասնա ծոեր» Էպոսի տարբեր պատումներում. «Որերուց մեկ որ ընկեր անգրցավ. Դավիթ շատ վիրավորավ: Ըդ տղեն լե, մ ասի, ըդոնց գեղ ցաման ժամ ե, պատարագ ե, Տղեն եդ ապով անգցեր եկավ» («Մասունցի Դավիթ կամ Միերի դուռ», 1873 թ., ասացող՝ Տարոնցի Կոպո, գրառող՝ Գարեգին Մրվանձտյան, «Մասնա ծոեր», Բ. հատոր, մասն յերկրորդ, էջ 21):

14 «Մասնա ծոեր», Բ. հատոր, մասն յերկրորդ, էջ 575-576:

15 Այդ մասին առավել մանրամասն տե՛ս Հ. Հակոբյան, Մեղքերի թողության երեւոյթի մի առանձնահատկություն միջնադարյան աղբյուրներում, «Ակունք», թիվ 1, Երեւան, 2014, էջ 51-59:

16 «Հայ ժողովրդական հեքիաթներ», հ. XVII, թ. 29, «Սըլտան Փարիշան», Երեւան, 2012, հատորը կազմեց, առաջաբանը գրեց եւ տպագրության պատրաստեց Թ. Հայրապետյանը, էջ 389-390: «Թաքավոր գողացող տղան» հեքիաթում թագավորը, իմանալով, որ պետք է մահանա, նախապես հոգեհաց ու պատարագ է տալիս (տե՛ս «Հայ ժողովրդական հեքիաթներ», հ. I, թ. 41, Երեւան, 1967, հատորը պատրաստեց եւ առաջաբանը գրեց Ա. Նազիկյանը, էջ 512-514):

17 «Հայ ժողովրդական հեքիաթներ», հ. XIV, թ. 2, Երեւան, 1999, հատորը կազմեց եւ տպագրության պատրաստեց Ա. Ղազիյանը, էջ 40-55:

18 «Մասնա ծոեր», հտ. Ա., Առաջին մաս, էջ 880:

գավորություն իսկի մեկ թագավորություն ի չե: - Ըբա, ըսեց, ի՞նչ ենինք վագիր: - Յետ դառնանք, նստինք մեր թախտի վրեն: Ու սկսեցին խեր ու խերյաթ ենել ու պատարագ ենել: Պատարագն որ երեցին, պրծան, Հրեշտակներ սրով, թրով իջան Սենեքերիմի ասքարի մեջ. Ու ջարդեցին ու սպանեցին, ու կոտորեցին»¹⁹ (ասացող՝ Ապարանցի Մուրադ): Յուցանշական է նաեւ ներքոգրյալ պատմությունը, ըստ որի՝ պատարագից հետո Աստծո հրեշտակները անձամբ են թշնամու հետ կռվում ու փրկում Երուսաղեմի վանքում պատսպարված հավատացյալներին. «Սենեքերիմ թաքավոր յոթ տարի կռիվ երեց: Զեղ քրիստոնեք յախթեց, Տարավ, լցեց Յերուսաղեմա վանքի մեջ: ... Եղ յիրիգուն վարդապետ ըսեց, – Ժողովուրդ, եգե՛ք պաղարաք ենինք, ... Վարդապետ յելավ, պաղարաք երեց, Եդոնք Աստված աղաղագ երին, Լացին, ռիսպացին, մինչի աղոթքնի դեմ: Հրեղեն սուր Ասծուց եր, Յընգավ եղ գորքի մեջ...»²⁰:

Այսպիսով՝ կարելի է ասել, որ պատարագ պատվիրելու դրդապատճառները, ըստ բանահյուսական ու ազգագրական աղբյուրների, հետեւյալներն են՝ պատարագ մատուցում էին հանգուցյալների հիշատակի համար, սակավադեպ հարսանիքի ժամանակ²¹: Այն կարելի էր մատուցել նաեւ ողջ երկրի բարգավաճման համար, ինչպես նաեւ մարդկանց մեղքերի թողության ու Աստծո զայրույթը կամ «Ցասման ժամը» մեղմելու համար: Պատարագների մատուցումը շատ հաճախ թշնամիների դեմ հաղթանակն ապահովելու միջոց էր: Վերը նշված պատճառներից, սակայն, ոմանք, օրինակ՝ «Ցասման ժամը», կրում էին դիպվածային բնույթ, քանի որ, բարեբախտաբար, բնական աղետները հաճախադեպ չէին, իսկ մեղքերի թողության դեպքում պատվիրվող պատարագների բնույթը կանոնավոր էր:

Ինչպես արդեն վերելում ասվեց, նվիրատու-հավատացյալների՝ պատարագ ստանալու փաստը առկա է նաեւ ձեռագիր հիշատակարաններում: Պատարագ ստանալու ակնկալիքով նրանք նվիրում էին նաեւ ձեռագրեր: Անշուշտ, ձեռագիր նվիրելու վերաբերյալ հիշատակությունների հանդիպում ենք ինչպես վիմագրերում, այնպես էլ ձեռագրերում: Ինչպես արձանագրություններում, այնպես էլ հիշատակարաններում նվիրատուները հաճախ նշում են, որ նվիրել են ձեռագիր-մատյան, առավել հաճախ Ավետարան, քանի որ ժողովրդի մեջ Աստվածաշունչը տարածված էր առավելապես Նոր կտակարանի կամ Ավետարանի տեսքով²², եւ ստացել են որոշակի թվով պատարագներ: Ինչպես օրինակ՝ ներքոգրյալ Ավետարանի հիշատակարանում. «Ի թուխ ՉԼԶ.

19 «Մասնա ծռեր», հտ. Բ., Առաջին մաս, էջ 50:

20 Տե՛ս անդ, էջ 255-256:

21 Օրինակ՝ «Նոր թագադան յոթն օր, յոթ կիշեր թովով, թվանքյով, սագով-քյամանչով, նաղարա-գուռնով, ժամ-պատարաքյով խարսնիս արիցին»։ տե՛ս «Հայ ժողովրդական հեքիաթներ», հ. XIV, թ. 2, էջ 55:

22 Ա. Խաչ. Ժամկոչյան, Աստվածաշունչը եւ հայ բանավոր ավանդույթը, Երեւան, 2012, էջ 51:

(1287 թ.), ի տալն վարդավառին եկին ի յուխտ ի Սուրբ Լուսաւորչիս ... Մեծտիկին ... եւ որդին նորին Ապուլքարամ ... եւ տուին զգեղեցկազարդ Աւետարանս ընծայք ... եւ ... միաբանքս տուաք ի տարին ար մի պատարագ ... ի տալն ի սուրբ քառասնիցն ...»²³: Ինչպէս նկատում ենք, պատարագը պատվիրված է Վարդավառի կամ Տիրոջ Պայծառակերպության տոնի համար, որի ժամանակ պատարագի պատվիրումը հատկապէս զանգվածային բնույթ ունէր, ինչը համահունչ է ուխտատեղիներում մեծաթիվ հավատավորների առկայությանը:

Հավատացյալ հայորդիները, բացի ավետարաններից, նվիրել են նաեւ ճաշոցներ. Դանիէլ կրօնավորը Աղթամար կղզու Սուրբ Խաչ եկեղեցուն նվիրել է «Ճաշոց» ու ստացել Վարդավառի ու Աստվածածնա տոներին տարեկան երկու պատարագ. «Ի թուիս ԶԿԱ. (1312) սրբազան, կրանաւորն Դանիէլ ետ զտարեգիրքս սուրբ Խաչիս Ախթամարայ, յիշատակ հոգոյ իւրոց ...: Եւ սպասաւորք սուրբ Խաչիս յանձն առին, որ յամէն տարի Բ. (2) ժամ առնեն՝ Շահապին, եւ մէկն մաւրն՝ Թամարին, եւ յետ իւրեանց մահուն, զմէկ ժամն՝ Վարդավառի կիրակին՝ Դանիէլին առնեն, եւ զմէկն՝ Աստուածածնի կիրակին՝ Մարիանոյն»²⁴. կամ հետեւյալ հիշատակարանինը. «Ի թվիս ԶԿԷ. (1318), ի մեհեկի ամիսն, ի գեղս Աստապար ... Ես՝ մեղուցեալ ծառայս Աստուծոյ Սիմոն արեղա, որդի Յոհանիսի, ... ստացայ զսա ի հալալ արդեանց իմոց, ի յիշատակութիւն ինձ եւ ծնաւդաց իմոց, եւ ընծայեցի ի Սուրբ Նախավկայն, որ յորժամ զգիրքս վճարեն ի սուրբ ար պենդակոստէին, ի գալուստ Հոգոյն Սրբոյ ի վերնատուն»²⁵:

Հիշատակարաններում կան նաեւ վկայություններ նվիրատուների կողմից պատարագ ստանալու ակնկալիքով վանքին շուրջառններ նվիրելու վերաբերյալ. «Ես՝ ծառայս Աստուծոյ Խաղուպս եւ Մեծխաթունս, որ ի մեր հալալ արդեանցն տվաք յիշատակ ի սուրբ Ամենավիրկիչն շուրջառ մի ծիրանի խաւուն, որ քահանա ... յամենայն տարի Դ. (4) պատարագ առնէ ... ի թվ. ԶՁԶ (1336 թ.)»²⁶: Հիշատակարաններում նույնպէս պատարագ պատվիրող նվիրատուները, ինչպէս վիմագրերում, կոնկրետ գումար չեն սահմանել, որպէսզի այդ գումարի ու պատվիրված պատարագի թվի բաժանմամբ հնարավոր լինէր որոշել մեկ պատարագի գինը: Ավետարանի գնի մասին հստակ խոսող հիշատակարաններից է 1292 թվականի այս վկայագիրը. «Ես նուաստ ոգի Դաւիթ վարդապետ Տաթեւացի, ... ստացայ զսուրբ Աւետարանս ի ... հարիւր դահեկան»²⁷: Ինչպէս երեւում է հիշատակարանից, տվյալ Ավետարանը արժեցել է հարյուր դահեկան: ԺԴ. դարի մեկ այլ հիշատակարանում Ավետարանի գինը «հարյուր

23 «Հայերեն ձեռագրերի հիշատակարաններ ԺԳ. դար», Երեւան, 1984, էջ 603:

24 «ԺԴ. դարի հայերեն ձեռագրերի հիշատակարաններ» Երեւան, 1950, էջ 86:

25 Անդ, էջ 148:

26 Անդ, էջ 299:

27 «Հայերեն ձեռագրերի հիշատակարաններ ԺԳ. դար», էջ 685:

սպիտակ» է. «Ես՝ աղախին եւ ծառայ տեսաւն Աստուծոյ Սուգայ, ազնական եղէ ի գին սուրբ աւետարանիս Ճ. (100) սպիտակ, եւ խնդրեցի, զի յամենայն ամի Ա (1) արւ պատարագաւ յիշեսցէ զիս Տէրունական»²⁸: Հայտնի է, որ սպիտակն արծաթ փողն էր: Այն վերելի օրինակում հոմանիշն է դահեկանին, հետեւապես վերջինս արծաթե դրամն էր, որ շրջանառվում էր այդ ժամանակ:

Սկսած ԺԴ-ԺԵ. դարերից, երբ Հայաստանը ենթարկվում է վաչկատունների հարձակումներին, եկեղեցիները նույնպես սկսում են թալանվել: Եկեղեցական սրբազան սպասքի հետ մեկտեղ գողանում էին նաեւ ծիսական գրքերը՝ ավետարանները, մաշտոցները, ճաշոցները եւ այլն: Ավարառու ասպատակիչները լավատեղյակ էին քրիստոնյաների համար դրանց կարեւորությամբ եւ այդ քայլին դիմում էին՝ գողացված մատյանները հետագայում հայերին վաճառելու շահադիտական նպատակով: Ու քանի որ այդ գրքերը կրոնական հսկայական նշանակություն են ունեցել հայերի համար, դրանց առեւանգումը անվանել են հաճախ նաեւ «գերեվարություն»²⁹: Հետագա դարերում նույնպես ձեռագրերը «գերեվարվել» են: Այս է պատճառը, որ նմանատիպ հիշատակարանները վերոնշյալ դարերում հաճախադեպ են: Որպես օրինակ, վկայակոչում ենք ԺԴ. դարի հետեւյալ հիշատակարանը. «Ի թվ. Հայոց ՉՂԶ (1347) գողացան զսուրբ Աւետարանս ի սուրբ Կարայպետէ եւ տարան ի գեղն, որ կոչի Լուսորմ: Զոր տեսեալ պատուական քահ[անայն] Կիրակոս, եւ գնեց զսայ ի յարդար ընչից իւրոց, եւ ետ վերստին ի սուրբ Կարապետս, ի յիշատակ իւր, եւ ծնողաց իւրոց, եւ ամենայն արեան մերձաւորաց: ... Ես՝ Ստեփանոս հայրապետս, ու այլ միաբանք, որ ուխտեցաք ի սուրբ Կարապետս, որ յամեն տարի ի սուրբ Կարապետի տաւնին զպատարագն իւրենց առնենք»³⁰, կամ ԺԵ. դարի հետեւյալ վկայագիրը. «Թուվ[ականին] Հայոց ԶԺԷ. (1468), զի գողացան զԱւետարանս եւ տարան յերզնկայն: ... Ես՝ Առաքել քահանայս, ... դարձուցի ի գերութենէ զսուրբ Աւետարանս եւ բերի յիմ բնիկ գեղն՝ ի Թացու: Ե. (5) տարի յայլոց ձեռն եկաց: Շատ լալով ու դառնութեամբ շուրջ եկի հետ Աւետարանիս, Է. (7) ամիս ի դուս կացի՝ ասպա գտի [Մ. (200) կարմիր գին տուի]»³¹:

Հաճախ ձեռագիրը գերությունից ազատելը կամ հետ գնելը անվանվել է «թափել». «Ես՝ նուաստ Մշեցի Դաւիթ ... յիշեցի թէ՛ Երանի որ ունիցի զաւակ ի Սիոն, եւ ընտանեաց նորա յերուսաղէմ, եւ իմ հալալ արդեանց տվի Մ. (200)

²⁸ «ԺԴ. դարի հայերեն ձեռագրերի հիշատակարաններ», էջ 67:

²⁹ Հաճախ ավետարանները նույնիսկ երազներում հայտնվել են, խնդրել ու հրահանգել են իրենց ազատել կամ փրկագնել՝ նույնիսկ սպառնալով. «Խնամի Զարդարը հիշում է, թե Օսկե կող ու Կարմիր Ավետարանները տերտերներուն երազ կուգան թէ՛ մեզի մեր տեղը – մեր օթեւանը տարեք, թե չէ՛ աչքերդ կը հանենք». այդ մասին տե՛ս Հ. Մարություն, «Տան սուրբ» երկույթը. Ակունքների հարցը եւ մերօրյա դրսևորումները, Հայոց սրբերը եւ սրբավայրերը, Երևան, 2001, էջ 339:

³⁰ Անդ, էջ 356:

³¹ «Հայերեն ձեռագրերի հիշատակարաններ ԺԵ. դարի», մասն երկրորդ՝ 1451-1480 թթ., կազմեց Լ. Խաչիկյան, Երևան, 1958, էջ 277:

դեկան, եւ թափեցի գտորբ աւետարանս, եւ դարձուցի ի ս. Կարապետ...: ...Ի թվ. Հայոց ՊԾԷ. (1408), որ թափեցի»³²: Ինչպես երեւում է հիշատակարաններից, ձեռագիրը գերությունից ազատելու համար վճարել են, ու թեպետ հաճախ ենք հանդիպում հիշատակարանների, որոնցում հավատացյալը ուղղակի որոշակի փրկագնով ազատում է ձեռագիրը գերությունից, առավել հաճախ Ավետարանը, ինչպես օրինակ՝ հետեւյալ հիշատակարանում. «... խոջա Գորգ ... ազատեցին ի գերութենէ գտորբ աւետարանս: Եւ ետուն ի գին նորա ՌԵԾ. (1500) դր[ամ] մերանցի»: ՊՀԳ. (1424)»³³, բայց դրա դիմաց պատարագ չի ստանում³⁴:

Ձեռագրերում պատարագ խնդրելու մասին մեզ հանդիպած ամենաուշ վկայագրերից մեկը պահպանվել է Մաշտոցյան Մատենադարանի թ. 5457 Ավետարանի հիշատակարանում՝ Շատախ գավառի Հակե վանքում գրված: Հիշատակարանը բերում ենք ամբողջությամբ, քանի որ այն առաջին անգամ է գիտական շրջանառության մեջ դրվում. «273ա(274բ) ... Ամենաւրինեալ եւ հոգիացեալն ի գործս բարեաց, բարեսէր եւ հաւատարիմ եւ աստուածապաշտ եւ երկիրդած յԱստուծոյ քահանայապետն եւ սրբասէր եպիսկոպոսապետն Սիրապիոն, որ ըստացաւ զանառիկ (275ա) մեծութիւնս եւ զրփարթամ հարըստութիւնս ի յիշատակ հոգւոյ իւրոյ եւ բարեպաշտ ծնաց (այսպէս) իւրոց

32 «Հայերեն ձեռագրերի հիշատակարաններ ԺԵ. դարի», մասն երկրորդ՝ 1451-1480 թթ., կազմեց Լ. Խաչիկյան, Երեւան, 1958, էջ 277:

33 Անդ, էջ 89:

34 Տե՛ս «ԺԵ. դարի հայերեն ձեռագրերի հիշատակարաններ», մասն առաջին՝ 1401-1450 թթ. «Արդ, ես՝ Դաւիթս գնեցի գտորբ աւետարանս ի հազար եւ ի հարիւր դրամ, ... ի թվ. ՊԾԶ. (1407) » (էջ 83): «գՄարգիս արեղայս, որ գնեցի գտորբ աւետարանս ... Ներսէս իրիցոյ՝ որդոյ Մարգսէն Ճ. (100) թանկայ...»: Մրա պապը՝ Էլբեգին, 1382 թվականին, տեսնելով Ավետարանը «ի ձեռն այլասեռից ի գերութիւն», գնել էր այն՝ վճարելով 100 դահեկան: (անդ, էջ 131): «... Մարտիրոս՝ Աբրայիմանու որդի, ... աւետարանս ծախեցի Յակոբ քահանային՝ Ռ. (600) դահեկան... : ... ի թվ. Պ[Կ]Բ. (1413)» (անդ, էջ 161): ԺԵ. դարի 2-րդ կեսի հիշատակարանից՝ «... Ես՝ խոջայ Զանգիշա, ստացայ եւ գնեցի գտորբ աւետարանս ... ի ՃԶ. (180) շախտուխի...»: (անդ, էջ 228): «Հայերեն ձեռագրերի հիշատակարաններ ԺԵ. դարի», մասն երկրորդ՝ 1451-1480 թթ., Աւետարան. «Ես՝ մղտեաի Կիրակոս, որդի մղտեաի Պեհնամին, վաղֆ արի իմ ամեն ազգիս վերայ ...: Ի յոր տեղ որ կենայ, նա աւագ հինգշաբթին աւուրն զպատարագն մեր ննջեցելոցն մատուցանեն. եւ խնամ տանաւորին զարինութիւն ի սուրն Աւետարանէս առնուն: Ի թվին Հայոց ԶԳ. (1454), նոյեմբեր ԺԱ. (11) » (էջ 49): «Ի թվականութեան Հայոց ԶԺԵ. (1466)- ին, ի հայրապետութեան տեսն Ըռըստակէսի, ... ես Յովաննէս՝ որդի պարոն Մանուկին, գնեցի գտորբ Աւետարանս ի Յովաննէս իրիցուէ, ... ՌԲԾ. (1200) սալիտակ]...» (անդ, էջ 252-253): «Մբ. Աւետարանս անարժան էրէցս Զուդայեցի, ... առաքեցի զսա ի յերկիրն Վասպուրական, ... մոտ ի վարդապետն Ստեփանոս, ի յանապատն Լիմ, ... եւ նա տուեալ զգին սորա ԾԵ. (55) դրուշ ...», «Հայերեն ձեռագրերի ԺԵ. դարի հիշատակարաններ» (1621-1640 թթ.), Բ. հատոր, կազմ.՝ Վ. Հակոբյան, Ա. Հովհաննիսյան, Երեւան, 1978, էջ 633):

հարևն՝ *Հալիֆին*³⁵, մարևն՝ *Մեղուշին*³⁶ եւ քուերն՝ *Խազրավարդին*³⁷ (սակավաղեպ հանդիպող անձնանուններ են. ընդգծումը մերն է՝ Հ. Հ.) եւ հարեղբարց Յովսէփին, Մարտիրոսին, Կիրակոսին, հորքորոջ՝ Մարեմին, Մրուաթին, Դօլաթին, Շնախորին եւ այլ արեան ամենայն մերձաւորաց իմոց կենդանեաց եւ հանգուցելոցն առ հասարակ ողորմի Քրիստոս Աստուած. Ամէն: ***Եւս առաւել ի ժամ սուրբ եւ սոսկալի հաշտարար եւ մեղսաքաւիչք պատարագին յիշել զմեզ ջերմեռանդ սիրով առաջի*** (ընդգծումը մերն է՝ Հ. Հ.) զենլոյն Քրիստոսի, զի եւ զձեզ յիշեսցէ Քրիստոս յարքայութեան իւրում. Ամէն: Եւ արդ, ես ունայնս եւ հաշեալս եւ մաշեալս, անգէտս, ի գիտնաւորացդ, անկարգս ի կարգաւորացդ, անարիեստ եւ ւսիարաճիւ եւ ներգէտեալ եւ իմ անընդունակ գոյով յանձն առի Սրապիոն կրանաւոր, որ ան/(275թ)ուամբս եմ եւ գործովս ոչ, տեսի զըսեր եւ զփափաք բարեսեր քահանայապետն Սրապիոն եւ իմովս յիմարութեամբս կատարեցի հոգոյ յիշատակ Սրապիոն եպիսկոպոսին եւ ծնաւդացն նորին, հարևն՝ Խալիֆին եւ մարևն Մեղուշին եւ քորոջն՝ Խազրավարդին, եւ հարեղբարցն՝ Յովսէփին, Մարտիրոսին, Կիրակոսին եւ հորքորոջք՝ Մարեմին, Մրուաթին, Դօլաթին, Շնահորին եւ Աստուած ողորմի ասացեք նոցա. Ամէն: Արդ, գրեցաւ Սուրբ Աւետարանս այս ի յերկիրն Շատխոյ, ի վանքն Յակէոյ, ի դոմն Սուրբ Սարգսի Զարավարին, ի հերպետութիւն Սիրապիոն եպիսկոպոսին, ի հայրապետութիւն սուրբ աթոռոյն փոքր Գրիգորիսի, ի թուականիս մերոյ ՌԽԵ (1596) ի դառն եւ ի նեղ ժամանակիս, որ այլազգիքն զօրացեալ են ի վերայ քրիստոնէիցս հարկապահանջութիւն անհուն եւ անհամար փախըստական յաշ/(276ա)խարիէ յաշխարհ...»³⁸:

Այսպիսով՝ կարելի է գալ հետեւյալ մտահանգումներին. պատարագ ստանալու համար վանքերին ու եկեղեցիներին են նվիրաբերվել ավետարաններ, ճաշոցներ, շուրջառներ, եկեղեցական սպասք եւ այլն³⁹: Եւ հակառակը՝ գերե-

35 «Խալիֆայ» բառի ձեւափոխված տարբերակն է: Քրիստոնեաների համար նշանակում է «վարդապետ, թեմական առաջնորդ»: Տե՛ս «Հայոց անձնանունների բառարան», հատոր 2, Հր. Աճառյան, Երևան, 1944, էջ 454: Բառի ճիշտ տարբերակը «խալիֆ» ձեւն է, քանի որ «խալիֆայ» բառի վերջին ա –ն, այդ բառին տալիս է «կին-խալիֆ» իմաստը (ա–ն արաբերենում իգականակերտ վերջածանց է): «Խալիֆ» արաբ. նշանակում է փոխարինող, փոխանորդ, այսինքն՝ ալլաիի (Աստծո) տեղապահը երկրի վրա: Վերոնշյալ մանրամասները ու մի շարք այլ դիտարկումներ մեզ բանավոր գրույցի ժամանակ ասել է պ. գ. թ., վիմագրագետ, արաբագետ Ա. Մանուչարյանը, որի համար երախտապարտ ենք նրան:

36 «Մեղր» բառից կազմված փաղաքշական ու հազվադեպ հանդիպվող անուն: Տե՛ս «Հայոց անձնանունների բառարան», հատոր 3, Հր. Աճառյան, Երևան, 1946, էջ 315:

37 «Հազարվարդ» անվան բարբառային ձեւն է, որը նշանակում է «հազար թերթերով վարդ»: Գործածվել է ԺԳ. դարից սկսած. տե՛ս անդ, էջ 11:

38 Մ.Մ. անվան Մատենադարան, ձեռագիր թ. 5457, էջ 273ա (274բ)– 276ա:

39 Պատարագ պատվիրելու մասին բազում են նաեւ մատենագրական տվյալները, մասնավորապես՝ Մյուկյաց արքեպիսկոպոս Մտեփանոս Օրբելյանի «Պատմութիւն նահանգին Միսական» երկի մեջ կա քննարկվող խնդրին առնչվող շատ կարեւոր մի տեղեկություն, որտեղ խոսվում է Կիլիկիայի թագավոր Լեւոն Գ.-ի՝ Տաթևի վանքից պատարագ ստանալու մասին. «Յաղագս այսր յուսոյ եւ սիրոյ աստուածագօր թագաւորին եղբայրութեամբս կարգեցաք զօր

վարված ավետարանները, այլ ձեռագրեր ու սպասք վերադարձնելու համար անձը կարող էր պարգևատրվել պատարագով: Հետագայում սրբազան բովանդակությամբ գրքերի սերնդեսերունդ փոխանցելը, «գերեվարվելու» դեպքում նույնիսկ ողջ գյուղով գումար հավաքելը՝ Ավետարանը «փրկագնելու» համար, պայմանավորված էր, թերեւս, այդ ավետարանների «Տան սուրբ» Ավետարան լինելու հանգամանքով⁴⁰:

РЕЗЮМЕ

Для изучения особенностей проблемы заказа божественной литургии самые надежные источники кроме эпиграфического материала это еще и рукописи, а также фольклорные и этнографические материалы. Причины заказа литургии, согласно фольклорным и этнографическим источникам нижеследующие: литургию подносили в память о погибших, редко во время свадьбы. Ее можно было поднести еще и для достижения процветания всей страны, а также прощение грехов и для смегчения Божьего гнева или «Часа ярости». Подношения литургии часто являлось способом победы над врагами. Для получения литургии монастырям и церквям дарили Евангелия, отрывки из Библии, читаемые во время обеда (ճաշոցներ), ризы, церковную утварь и т.д. И наоборот, возвращения «пленных» Евангелий, других рукописей и церковной утвари награждалось литургией.

SUMMARY

To study the features of the divine liturgy order problems, the most reliable sources besides epigraphic material are also manuscripts, as well as folklore and ethnographic materials. The reasons of the liturgy's order, according to folklore and ethnographic sources are the followings: the liturgy was brought in memory of the dead, rarely during the wedding. It could also be brought to achieve flourishing of the whole country, as well as for the forgiveness of sins and for the God's mollification or "Hour of fury". The liturgy's tribute was often a way to defeat enemy. Gospel, passages from the Bible, read during lunches (lectionaries), liturgical vestments, church utensils, etc. were given to monasteries and churches in order to receive liturgy. And conversely, the return of the "captured" Gospels, other manuscripts and church utensil were rewarded with liturgy.

սրբոյ Զատիկի Յարութեան միաշաբթուն յիշատակ նմա, որ կատարեն զպատարագն յամենայն եկեղեցիս անխափան մինչ ի վախճան», «Պատմութիւն նահանգին Սիսական արարեալ Մտեփաննոսի Օրբելեան արքեպիսկոպոսի Միւնեաց», Թիֆլիս, 1912, էջ 436:

40 Տե՛ս Հ. Մարության, «Տան սուրբ» երեսույթը. Ակունքների հարցը եւ մերօրյա դրսևորումները, Երևան, 2001, էջ 343-344: